

Broj: 01-01.3-6015/21 S.L.

Mostar: 21.05.2021. godine

Na osnovu člana 17. stav (1), člana 14. stav (4), člana 18. stav (1), člana 25. i člana 32. Zakona o javnim nabavkama („Službeni glasnik BiH“, broj: 39/14), te člana 2. i člana 7. Pravilnika o javnim nabavkama JP Autoceste Federacije BiH d.o.o. Mostar broj: NO-1.01-724-11/15 od 24.02.2015. godine i Izmjene pravilnika o javnim nabavkama JP Autoceste Federacije BiH d.o.o. Mostar broj: NO-1.01-3309-3/19 od 26.07.2019. godine, Odluke Uprave broj: 01-5406-14/21 od 05.05.2021. godine direktor JP Autoceste Federacije BiH d.o.o. Mostar, donosi:

Odluku o pokretanju postupka vanplanske javne nabavke

1. Na osnovu potreba Ugovornog organa odobrava se pokretanje otvorenog postupka javne nabavke za izvođenje radova: „Radovi na redovnom i zimskom održavanju autoceste A 1 dionice: Svilaj-Odžak“. Nabavkom je predviđeno sklapanje okvirnog sporazuma sa jednim ponuđačem na period od četiri godine. Kriterij dodjele ugovora je „najniža cijena“, propisan Zakonom o javnim nabavkama („Službeni glasnik BiH“, broj: 39/14, u daljem tekstu: Zakon) i podzakonskim aktima za njegovo sprovođenje;
2. Postupak je neophodan za neometano i kontinuirano obavljanje djelatnosti preduzeća, kao i za održavanje kontinuiteta svih aspekata bezbjednosti saobraćaja;
3. Procijenjena vrijednost nabavke iz tačke 1 ove odluke iznosi: 2.000.000,00 KM bez uračunatog PDV-a za period od četiri godine;
4. Sredstva za ovu namjenu planirana su u skladu sa Planom poslovanja JP Autoceste FBiH d.o.o. Mostar, vanplanska javna nabavka;
5. Služba javnih nabavki će pripremiti svu potrebnu dokumentaciju za provođenje postupka dodjele ugovora putem Otvorenog postupka utvrđenog u dijelu drugom, odjeljak C. Zakona;
6. Tenderska dokumentacija je besplatna, preuzima se putem Portala javnih nabavki;
7. Predviđeno je provođenje e-Aukcije prema Pravilniku o uslovima i načinu korištenja e-Aukcije („Službeni glasnik BiH“, broj: 66/16);
8. Provođenje predmetne nabavke izvršit će Komisija za nabavke formirana od tri (3) člana u skladu sa Pravilnikom o uspostavljanju i radu komisije za nabavke („Sl. glasnik BiH br. 103/14);
9. Komisija za nabavke izvršit će otvaranje ponuda, pregledati, ocjeniti i usporediti ponude, te dati preporuku za donošenje odluke o izboru najpovoljnijeg ponuđača ili odluke o poništenju postupka nabavke;
10. Ova odluka stupa na snagu danom donošenja.



Obrazloženje

Nakon što je Uprava JP Autoceste Federacije BiH d.o.o. Mostar odobrila postupak vanplanske nabavke, Sektor za održavanje i upravljanja - Služba za održavanje obratila se sa Zahtjevom za pokretanje postupka javne nabavke, koji je zaprimljen u Službu javnih nabavki 21.05.2021. godine. JP Autoceste FBiH je u 2020. godini raspisalo postupak javne nabavke za izbor najpovoljnijeg ponuđača za radove na redovnom i zimskom održavanju dionice Svilaj – Odžak. Nakon što je izvršena evaluacija pristiglih ponuda, Komisija je jednoglasno dala prijedlog direktoru da sklopi ugovor sa konzorcijem „Roding“ d.o.o. Gračanica i „Dobojputevi“ d.d. Doboj jug na procijenjenu vrijednost Okvirnog sporazuma, na osnovu čega je donesena Odluka o izboru najpovoljnijeg ponuđača.

Na navedenu Odluku jedan od ponuđača je uložio žalbu koja je od strane Ureda za razmatranje žalbi usvojena i postupak poništen u potpunosti.

Kako radovi na izgradnji graničnog prelaza u Odžaku idu planiranom dinamikom i kako se očekuje skoro puštanje ove dionice u upotrebu, neophodno je izvršiti pokretanje novog postupka javne nabavke „Radovi na redovnom i zimskom održavanju autoceste A 1 dionice: Svilaj-Odžak“.

S obzirom da Plan poslovanja za 2021. godinu nije usvojen, a samim tim ni Plan nabavki pokreće se vanplanska nabavka.

Procijenjena vrijednost nabavke je 2.000.000,00 KM, pa se nabavka razvrstava u kategoriju vrijednosnih razreda u kojem je vrijednost radova veća od 80.000,00 KM, a manja od 9.000.000,00 KM u skladu sa članom 14. stav (4) Zakona. Postupak će se sprovesti prema odredbama Poglavlja II Zakona. Predviđeno je sklapanje okvirnog sporazuma sa jednim ponuđačem na period od četiri godine. Za ovu nabavku je predviđeno provođenje e-Aukcije prema Pravilniku o uslovima i načinu korištenja e-Aukcije (“Službeni glasnik BiH” broj 66/16).

Na osnovu navedenog ispunjene su pretpostavke za realizaciju nabavke, te se pokreće otvoreni postupak, koji se odnosi na izvođenje radova: „Radovi na redovnom i zimskom održavanju autoceste A 1 dionice: Svilaj-Odžak“.

Shodno navedenom odlučeno je kao u dispozitivu.

Prilog:

-Odluka Uprave broj 01-5406/21



direktor :

.....
Adnan Terzić, dipl.ing.



Broj: 01-5406-17/21

Datum: 05.05.2021. godine

Na osnovu člana 27. Statuta JP Autoceste FBiH d.o.o Mostar br.1.1-3923-4/16 od 30.11.2016. godine i člana 10. Tačka 3, člana 11. Poslovnika o radu Uprave br. No 1.01-2131-8/14 od 10.04.2014. godine, Uprava na na sjednici održanoj 05.05.2021. godine, donosi:

ODLUKU

o odobravanju vanplanske nabavke "Radovi na redovnom i zimskom održavanju dionice Svilaj – Odžak"

I

Uprava JP Autoceste FBiH d.o.o. Mostar donosi Odluku o odobravanju vanplanske nabavke "Radovi na redovnom i zimskom održavanju dionice Svilaj – Odžak" putem otvorenog postupka sa sklapanjem Okvirnog sporazuma na period od četiri godine.

Vrijednost Okvirnog sporazuma iznosi 2.000.000,00 KM bez uračunatog PDV-a.

III

Ova Odluka stupa na snagu danom donošenja.

Obrazloženje

JP Autoceste FBiH je u 2020. godini raspisalo postupak javne nabavke za izbor najpovoljnijeg ponuđača za radove na redovnom i zimskom održavanju dionice Svilaj – Odžak. Nakon što je izvršena evaluacija pristiglih ponuda, Komisija je jednoglasno dala prijedlog direktoru da sklopi ugovor sa konzorcijem "Roading" d.o.o. Gračanica i "Dobojputevi" d.d. Doboj jug na procijenjenu vrijednost Okvirnog sporazuma, na osnovu čega je donesena Odluka o izboru najpovoljnijeg ponuđača.

Na navedenu Odluku jedan od ponuđača je uložio žalbu koja je od strane Ureda za razmatranje žalbi usvojena i postupak poništen u potpunosti.



Kako radovi na izgradnji graničnog prelaza u Odžaku idu planiranom dinamikom i kako se očekuje skoro puštanje ove dionice u upotrebu, neophodno je izvršiti pokretanje novog postupka javne nabavke "Radovi na redovnom i zimskom održavanju dionice Svilaj – Odžak".

S obzirom da Plan poslovanja za 2021. godinu nije usvojen, a samim tim ni Plan nabavki, odlučeno je kao u dispozitivu ove Odluke.


Direktor:
Adnan Terzić, dipl.ing.

Dostavljeno:

1. Članovima Uprave
2. a/a



Identifikacijski broj: 4227691540005 PDV broj: 227691540005
Glavni račun: Union banka Sarajevo 1020010000014039
Transakcijski račun: Raiffeison bank dd Sarajevo, glavna filijala Mostar 1610200062470038
Federalna taksa za korištenje autocesta: 1610200062470232 | 338690229666422
Naknada za korištenje cestovnog zemljišta: 1610200062470135 | 3386902296664549
Registровано u Općinskom sudu u Mostaru, MBS 58-01-0179-10